



Inatsisartuni ilaasortaq Karl Lyberth, Siumut
MAANI

§ 37 naapertorlugu Naalakkersuisunut apeqqummut nr. 2012-068-imut Nalunaq-mut tunngasumut akissuteqaat.

Inatsisartut suleriaasianni § 37 imm. 1 naapertorlugu Naalakkersuisunut Nalunaq pillugu apeqquteqarputit.

Tunngavilersuut:

Nunatsinni aatsitassarsiorfinni maannakkut ingerlasutuarsuaq qanoq ingerlanersoq soqutigakku apeqquteqaateqarpunga.

Apeqquteqaatinnut aamma tunngaviuvoq Aatsitassanut Naalakkersuisoq Ove Karl Berthelsen Maniitsumi innuttaasunut ataatsimiisitsinermini nalunaarutigimmagu guld-i akisuagaluar-toq Nalunaq Gold Mine A/S sinneqartoarluni ingerlanngitsoq.

Taamaammat soorunami paaserusunnarsivoq aatsitassarsiorfik ingerlasutuarsuaq qanor-piaq ingerlanersoq.

Nalunaq Gold Mine A/S-imi guld-i qanoq annertutigisoq ukiumut nioqqutissiarine-qartarpa?

Akissut:

Angel Mining (Gold) A/S 2011-imi kuultinik doré-nik 102,4 kg-nik tunisassiorpoq avammullu tunisilluni. Kuultinik doré-t 90 %-ip missaanik kuultitaqarput, 9 %-ip missaanik siilvitaqarlutik sinneralu tassaalluni minguit assigiinngitsut. Kuultinik doré-t Schweiz-imut nassartillugit as-sartorneqartarput, tassani kuultinik doré-t kuultitut siilvitullu akuitsunngorlugit suliareqqinne-qartarlutik.

Doré-t avammut tunineqartut nalingat dollarip nalinga 5,50 koruuniutillugu 27,6 mio. koruunit missaanniissimavoq.

2012-imi Angel Mining (Gold) maannamut kuultinik doré-nik 49,4 kg-inik tunisassiorsimavoq avammullu tunisisimalluni. Doré-t avammut tunineqartut nalingat dollarip nalinga 5,50 ko-ruuniutillugu 13,4 mio. koruunit missaanniissimavoq.

Guld-i ullumikkut qanoq naleqarpa?

Akissut:

Kuultip akia 29. februar 2012-imi troy ounce-mut ataatsimut (31,1 gram) 1.787 US\$-iuvoq.

9. marts 2012
Sagsnr. 2012-060499
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Ukiuni kingullerni marlunni kuultip akiata ineriartornera titartakkami matuma kingulianiitumi takuneqarsinnaavoq.



Nalunaq Gold Mine A/S-imi sulisut katillugit qassiuppat? Taakkunannga nunaqavissut qassiuppat?

Akissut:

Sulisut amerlassusaat nikeralaarsinnaavoq, kisiannili inuit 80-it missaanniipput, taakkunannga 50 % nunaqavissuullutik, pingaartumik Kalaallit Nunaata Kujataaneersuullutik. Taamaattorli tunisassiorneq aamma imminut akilersinnaassuseq annertunerulertinniarlugu, saffiugassamik pilaanermut aamma suliareqqiisarfiup passunneqarneranut ilinniarimasunik amerlanerusunik atorfinitsitsinissaq kissaatigineqarpoq.

Nalunaq Gold Mine A/S-imi sulisut akileraarutaanit nunatta karsia qanoq annertutigisumik 2011-mi pissarsiva?

Akissut:

Ingerlatseqatigiiffinnut aalajangersimasunut tunngatillugu paasissutissat, aalajangersimasumik aammalu kinaassusersiunngitsumik suliassamik suliarinninnermut atorneqartussaangitsut pineqartillugit, taakkua ingerlateqqinneqarsinnaanissaat ajornarpoq. Tamanna akileraarutiniq ingerlatsivimmi aqutsineq pillugu Inatsisartut inatsisaanni § 9-imi, Akileraarartermut Aqutsisoqarfiup nipangiussisimasussaataitaneranut tunngassuteqartumi kiisalu pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-imi 13. juni 1994-imeersumi § 27, nalinginnaasumik nipangiussisussaataitanermut tunngassuteqartumi, allassimavoq.

Kisiannili paasissutissiissutigineqarsinnaavoq aningaasarsianit akileraarutit akilernerqarsimasut aamma ingerlatseqatigiiffinnit aatsitassarsiornermut suliassaqqarfimmi pisinnaatitsissuteqartunit kiisalu pilersuisuusunit nunanit allaneersunit AMA-mut akiliutit maan-

namuugallarteq naatsorsorneqarnerat, 2011-imi 17,4 mio. koruuninik annertussuseqarpoq.

Suliffeqarfik Nalunaq Gold Mine A/S sinneqartoorluni ingerlava?

Akissut:

Naamik. Kuultisiorfik amigartooruteqarluni ingerlavoq.

Nunatta karsia Nalunaq Gold Mine A/S-imiit qanoq annertutigisumik 2011-mi selskabsskat-i aqutigalugu pissarsissangatinneqarpa?

Akissut:

Ingerlatseqatigiiffik 2011-imi amigartooruteqarluni ingerlasimammat Nunap Karsia 2011-imi ingerlatseqatigiiffiup akileraarutaannik pissarsissanngilaq.

Sinneqartoorluni ingerlanngippat qaqugu sinneqartoorluni ingerlalernissaa naatsorsuutigineqarpa?

Akissut:

Angel Mining plc Nalunaq-mi kuultisiorfimmut ingerlatseqatigiiffittut qullersaqarfiuvoq. Ingerlatseqatigiiffik London Stock Exchange-mi aningaasanut niuerfimmi allassimaffimmiippoq, taamaattumillu paasissutissat suut nassiunneqarsinnaanersut pillugu maleruagassat sukanersorujussuupput, aamma paasissutissat taakkua ingerlatseqatigiiffiup aktiaataasa nalingannut sunniisinnaasimappata, kalaallit oqartussaasuisa tungaanniit. Ingerlatseqatigiiffimmit ukiup affaanut nalunaarutaasooq kingulleq piffissamut 1. marts 2011-imiit 31. august 2011-imut tunngassuteqarpoq. Taanna matuma kinguliani link-imi nassaarineqarsinnaavoq.

<http://www.angelmining.com/assets/files/2011/Angel-Mining-plc-2011-interims.pdf>

piffissamut 1. marts 2011-imiit 29. februar 2012-imut ukiumoortumik naatsorsuutit inaaru-taasumik kukkunerisiorikkat suli nassiunneqanngillat.

Inussiarnersumik inuulluaqqusillunga


Ove Karl Berthelsen